

# ULOGA PEDAGOGA TJELESNOG I ZDRAVSTVENOG ODGOJA U RADU SA PREDŠKOLSKIM UZRASTOM

Stručni rad

## **Sažetak**

*Predškolski odgoj i obrazovanje je društveno organizovano i sa porodičnim odgojem čini jedinstvenu cjelinu. Ono ima društveni karakter, jer je briga o razvoju i učenju djece predškolske dobi od vitalne važnosti za prosperitet samog društva. U ovom periodu značajno mjesto zauzima tjelesni i zdravstveni odgoj, koji se odvija kroz realizaciju tjelesnih aktivnosti djece. On predstavlja temelj tjelesnog i zdravstvenog odgoja, kojem se mora poklanjati odgovarajuća pažnja. U ovom periodu potrebno je prirodnom nagonu za kretanjem dodati organizovanu tjelesnu aktivnost-vježbanje, čime se od najranijeg perioda u svijest djeteta urezuje predstava o tjelesnom i zdravstvenom odgoju. Na taj način dijete stječe saznanje o obaveznosti učestvovanja u tjelesnim aktivnostima, te formira osjećaj zadovoljstva pri vježbanju i igri. Osnovni cilj ovoga rada jeste da prikaže ulogu pedagoga tjelesnog i zdravstvenog odgoja u radu sa djecom predškolskog uzrasta. Realizacija programskih zadataka u tjelesnom i zdravstvenom odgoju sa ovim uzrastom ne može se zamisliti bez učešća pedagoga tjelesnog i zdravstvenog odgoja. Pedagog tjelesnog i zdravstvenog odgoja je osnovni faktor i subjekt nastavnog procesa. Ni najbolje pripremljeni programi, niti najbolji uslovi za rad, koji su veoma značajni, ne predstavljaju ništa, ako pedagog tjelesnog i zdravstvenog odgoja svoj posao ne obavlja kako treba.*

**Ključne riječi:** predškolski odgoj, djeca, pedagog tjelesnog i zdravstvenog odgoja